

道德真經廣聖義卷之五

羔五

唐廣成先生杜光庭述
釋疏題明道德義

義曰老子者太上老君之內號也釋解已具前篇道經者此經兩卷上經以道為目夫化導羣生貫穿萬法居眾法之首故三皇尊其道焉為萬教之先故大演虛其一焉故一者道之數道者一之本下經云道生一是也夫其道也極虛通之妙致窮化濟之神功理貫生成義該因果縱之於已則物我兼忘蕩之於懷則有無雙絕道與德有相資相稟之義故云道德經也今於道德義中分三門解釋一者釋名無名方了玄教故經云虛無常自然強名字大道所以道義主無理物有病德義主有理世無感故臧玄靜云道者通物以無為義今就明之道有三義一理也二導也三通也理者理實虛無以明善惡導者導執今忘引凡入聖通者通生萬法變通無壅上經法陽象天數奇故三十七章也老君說經本亦不執上經為道下經為德昔賢相承分

判故有道先德後其間經大互相明證具如序中矣次道表而後有德德表而後有五常是明道德為眾行之先五常之本故道經居先而德經次之也今依名釋道即前序所謂導也通也理也夫道德雙釋分三門者一釋

名二明體三用釋名第一道德玄絕自應無名開教引凡強立稱謂故寄彼無名之名者宜彼正理今識名之無名方可了達玄教強名道德其義者何臧玄靜曰道以通物以無為義德者不失以有為功道無則能造物有累德有則能祛世空感今明道三義者理也通也導也德三義者得也成也不喪也所謂理者理實虛無言一切皆無故云道在一切有解云理者兼通善惡善道亦名道惡道亦名道善惡性空不乖此義但惡道稱道其意不然正以徒類稱道非關就理為釋若言隨事近理此說不妨所謂通者謂能通生萬物變通無壅河上公云道四通也所謂導者導執今忘引凡入聖自然經云導末歸本本即真性末即妄情也德有三義所謂德者得

於道果太平經云德者正相得也所謂成者成濟眾生今成極道此就果為名亦實成空行就因者經云熱成之所謂不喪者謂德不失也故云不喪太平經云常德不喪是也此六義者互可相通西昇經云道德混沌玄妙同也道中有德義者昇玄經云德等無等等無等是道也故云道有得義道有成義者河上公云非但生之乃復長之成之道有不喪義者既言常道常即不喪也德中又有理義者生神經云感應理常通應既是德故得有理義也德有通義者河上公云德一也一至布氣而畜養之德有導義者謂有開導之德論語云道之以德是也此就通門則如前解矣但道之言通通無所通而無所不道德之言得得無所得而無所不得故能忘已忘功生物成物今就此科更分五別一依名釋者前義也二因待釋者明非德無以言道非道無以言德道德相待強立假名故離道無德離德無道是德義德是道義經云長短相形是也三所表釋者道德為教正表不道不

德之理所以說道則言可道非常道明德則言上德不德故不道不德為道德之義四無方釋者正一德名有無量義如因迹有成並其義也道無不在名何言屬故謂無方以釋其義五無釋為釋者既以不為名亦以無義為義故自然之義名無所有原其所由即是無義義曰道者因生以立稱德者從教以言名道者德之道德者道之功有德故稱道有道故稱德德義取有體無為言道義取無通有為說陸先生經云虛寂為道體謂虛無不通寂無不應也臧玄靜云智慧為道體神通為道用也又云道德一體而具二義一而不一二而不二二而不二由一故二一而不一由二故一不可說言有體無體有用無用蓋是無體為體體而無體無用為用用而無用然則無一德非其體無一用非其功尋其體也離空離有非陰非陽視聽不得搏觸莫辨尋其用也能權能實可左可右以小容大以容小體既無已故不可思而議之用又無功故隨方不示見今不異此但知道德不同

不異而同而異不異而異用辯成差不同而同體論惟一不異異者經云道生之德畜之也不同同者西昇經云道德混沌玄妙同也知不異而異無所可異不同而同無所可同無所可同無所不同無所可異無所不異也今更舉七義以通釋

- 一本迹者本則為道迹則為德本為道者以大智慧源常寂真身為體迹為德者以上德之君太上應身為體
- 二理教者理則為道教則為德理為道者悟說正性為體教為德者悟說正經為體
- 三境智者境則為道智則為德智理為道體理智為德體
- 四人法者人則為道法則為德人為道者以本迹二身為體法為德者以理教二法為體
- 五生成者生則為道成則為德道以應氣化生萬物以應氣為體成為德者德以成就眾生法教為體
- 六有無者無則為道有則為德無則為道以

因地空觀果地空智為體有為德者以因地有觀果地有智為體

七因果者果則為道因則為德果為道者以果地萬德為體因為德者以因地萬行為體以上七義互相交絡二而不二一而不

一是知道德為正體非果非因非本非迹不本不迹而開本迹欲明顯本由迹不果不因而開因果欲今修因趣果其餘五雙不言自顯明義用第三德是不有之有既能理無亦能理有道是不無之無既能理有亦能理無惑者謂玉貌金容道為實有今明道是虛無此即理於有感河上公云道者空也王輔嗣云道者無之謂也惑者或謂常道乃至上德實是虛無今明是以有德此則除其無病故經云杳冥中有精此是一性相離開名遣病及其進悟義則更深明道之為無亦無此無德之為有亦無此有斯則無有無無執病都盡乃契重玄方為雙絕故經云仙道無不無有不有也此則道必資於德德必稟於道老君說

經亦不執言上卷爲道下卷爲德二經文義互相包含後賢相傳強分其義是則道經含德德經含道聖旨序內已具舉明至於五千餘言亦不確定其數文質相半義理兼通不可局字數而妨文勢而就數皆失其大旨也司馬遷云五千餘言則不定指五千字矣其有刪文約數俯就四千九百九十九言而云析三十幅字爲三十以滿五千字此又膠柱刻舟執迷不通也經字諸家所解凡有四義一由二徑三法四常一由者三世天尊十方大聖因由經教證聖成眞也二徑者開通道理導達衆生爲學者津梁登眞徑路也三法者真趣玄妙至理精微可以執法羣生橋樑衆聖也四常者妙理深遠冥寂玄通萬代百王不刊之典也具茲四義總稱爲經或結氣成文凝雲作篆字方一丈八角垂芒或紫字瓊章龍書鳳札劫初降世劫末歸天或刻玉鐫金竹木縑紙流傳演化篆隸隨時雖復羸妙不同皆玄聖之眞訣爲理病

之良藥乃出世之妙門假使代變時移金銷石化而此經垂教常布於人天萬劫長存故云經也故題曰老子道德經疏卷上之上夫此二篇玄微五千幽奧純包萬法冠冕衆經而所說年代及過關時日降生先後宗趣指歸諸家所說未爲準的今別演四門以祛所惑

第一重明降生者老君至道之祖元化之宗長於上古而不爲先生於末代而不爲後

況億劫之前即弘道化豈復待胞胎誕孕而謂之生邪今言降生者蓋表跡人間示有始也託形聖母示有生也母事元君示有尊也今此按經語前後降生有三一以上和七年庚寅之歲九月三日甲子生於北玄女國天岡靈鏡山李谷之間聖母曰

玄虛之母當生之時三日出於東方九龍吐水以浴其形因李谷而爲姓名玄元字子光乃高上之霄玉皇之胤位爲長生大主太平正真太一君金闕後聖九玄帝君今詳考其時亦是劫運之前朱靈上和前

劫之年號也二以殷武丁庚辰歲二月十五日卯時生於陳國苦縣瀨鄉聖母曰玄妙玉女乃上帝之師後位爲元君詳此即是亳州降生年月也據皇甫士安長曆所證甲子仙公云太歲丁卯下爲周師此即

紂元年丁未二十一年丁卯老君居岐山爲周西伯之師自武丁九年庚辰至紂丁卯凡一百八年又至昭王二十五年癸丑

出關一百七年通計二百一十五年司馬遷云二百餘年是也惑者妄云平王定王幽王厲王時老君降生此皆曲說信爲謬矣何者若幽厲平定時生即不得與文王

武王相見矣三以老君自棲觀與尹喜辭訣當昭王二十六年甲寅約會於蜀青羊之肆遂即降生於蜀乃昭王二十九年丁巳尹喜千日之後到蜀重見老君之時也三度降生此義爲定
第二過關年代者老君以周昭王二十五年癸丑度關西化與關令尹喜相遇因授以道德二經授經既畢即以二十六年甲寅

四月於樓觀與喜相別昇入天微二十九
年丁巳尹喜入蜀訪尋老君乃於青羊肆
相見戊午年入流沙即此過關年月也何
者尹喜為康王大夫至昭王時為關令與
老君相見若據臧玄靜云幽王時西出隴
關即與出天寶靈符故關處所不同矣况
幽王元年庚申十一年庚午已滅年內又
無癸丑此為誤也又文如海云成王二十
二年癸丑度關比又與尹喜不得相見亦
為誤矣又云平王四十二年癸丑度關此
又在尹喜之後年代懸遠不同皆誤說耳
今詳按今古以昭王二十五年癸丑度關
為定年代相合可無疑焉

第三說經時節者葛仙公內傳云黃帝時老
君為廣成子為帝說道德經又五茹之法
又應號五聖圖及紀聖老君內傳云老君
舜時號尹壽子居河陽說道德經教以孝
悌之道舜行之退身讓物尊道貴德天下
之人從而化之所以舉十六族胤四達
四聰明四目外撫百姓內親九族得道於

蒼梧之野九疑之山又諸家所引皆言周
昭王時癸丑之歲於函谷關為尹喜作道
德二篇上下經焉史記亦云老君為關令
尹喜著書五千餘言又王子年拾遺云老
君周時居景室之山常與五老人譚天地
造化之事著書十萬言後刑其繁無作五
千言矣今按河上公授漢文帝上下二經
章句謂帝曰余注是經以來千七百餘年
凡傳三人連子四矣勿示非其人成玄英
法師解曰傳三人者務光美門子高丘子
是也以此詳之莊子云湯伐桀後讓位務
光務光不受抱石自沈於清冷之泉湯時
務光既死即投經在桀之前也足明此經
非是周昭王癸丑年及景室山中所著又
按黃帝書云谷神不死是謂玄牝全載此
一章則是黃帝時說經所以黃帝著書引
此一章爾又按年代推之若是昭王時函
關著經至漢文帝時未及一千年則與注
經以來數不同益明此經是黃帝時及帝
舜時說為定矣且帝舜在位六十餘年一

百一十二歲傳位於禹禹子孫相承十七
帝四百七十一年為湯所伐湯子孫相承
二十一代三十五王六百四十四年為周所
滅周自武王至赧王子孫相承四十一代
三十七王八百六十九年為秦所并秦昭
襄王四十九年丁未滅周歷始皇終子嬰
共四十五年為漢所伐漢自高祖惠帝呂
后至文帝元年相繼二十八年自舜至此
凡計一千七百六十九年則明說經在黃
帝時注經在舜時非是函關特為尹喜著
此五千文明矣穎鑿之士宜詳之焉

第四宗趣指歸者道德尊經包含衆義指歸
意趣隨有君宗河上公嚴君平皆明理國
之道松靈仙人魏代孫登梁朝陶隱居南
齊顧歡皆明理身之道符堅時羅什後趙
圖澄梁武帝梁道士寶略皆明事理因果
之道梁朝道士孟智周臧玄靜陳朝道士
諸綽隋朝道士劉逸喜唐朝道士成玄英
蔡子晃黃玄贖李榮車玄弼張惠超魯元
興皆明重玄之道何吳鍾會杜元凱王輔

嗣後嗣羊祐盧氏劉仁會皆明虛極無為
 理家理國之道此明法解之人意不同也
 又諸家重學立宗不同嚴君平以虛玄為
 宗顧歡以無為為宗孟智周臧玄靜以道
 德為宗梁武帝以非有非無為宗孫登以
 重玄為宗宗旨之中孫氏為妙矣又此經
 以自然為體道德為用修之者於國則無
 為無事自致太平於身則抱一守中自登
 道果得之者排空駕景火視長生於國失
 道德則必敗亡於身喪道德則致淪滅故
 在手士勤人抱之為式也又道德玄序
 開元二十一年頒下其所分別上卷四九
 三十六章法春夏秋冬卷五九四十五
 章法金木水火土則上卷從第一訖第九
 章以無形無名為宗明春道從第十訖第
 十八章無知惚恍為宗明夏道從十九訖
 第二十七章以有精有信為宗明秋道從
 二十八訖三十六章以凝重清靜為宗明
 冬道其下卷自第一盡第九章明仁德次
 第十盡十八章明禮德從第十九盡二十

七章明義德從第二十八至三十六章十明
 智德從三十七盡四十五章明信德仁以
 履虛抱一德以不恃不宰義以柔弱和同
 智以無識不自信以執契不爭其大旨亦
 以玄虛恢廓沖寂希微為宗體強名則有
 五有四契理則無執無為而譚講之家執
 文則多舛謬古今所釋獨學則或不周今
 廣引衆文窮其指當明者詳採則可明年
 代先後宗趣是非矣
 道德真經廣聖義卷之五

道德真經廣聖義卷之六

唐廣成先生杜光庭述

卷六

道可道章第一此章明妙本之由
 曰此非斯也章明也分別科段使義
 理彰明說大曰樂歌竟為一章章字
 從音限十謂一至十數之將謂存古
 章蓋因風雅凡有律既皆謂之章焉
 明者吹泮之氣顯出之謂也妙本者
 道也居經之首明道之由內從也起
 也古為者數之大也化者應變之謂
 也古為者變化從道而動則知道為
 萬本也萬化從道而動則知道為
 如水之源流也起自此章出生諸法
 註無明也
 職首標虛極也強名將名東妙之歸
 趣○義正首者元也始也爾雅云初
 哉首基也此標者來也虛極妙本也
 為用末為歸聚妙之門攝述歸本也
 向也復歸向於大道之本也就此門
 中分為七列一曰可道可名者明體
 用也義云體用者相資之氣也體無
 則用不立或常用無用則體不彰或
 或空或名或相用之義也體用相明
 是知體用是相用之義也體用相明
 者明本也義云本述者相生之本義
 也本則述生因述以見本無本則
 述不可顯無述則本不可求述隨事
 而立以為本述本者無也述者求也
 老君謂仲尼曰六經皆先王之陳迹
 也述者復之所出而述宜復之迹
 林復以述為末也三曰明有欲無欲
 者明兩觀之義云觀者所行之行也